




Plan Municipal de
Desarrollo y Gobernanza
del municipio de Guadalajara

2 0 2 4 - 2 0 2 7

heutinierekame 2042

Kiekari metsi '+wiya
Yak+ mayetewi niuki



Gobierno de
Guadalajara

La Ciudad que 
te cuida



1

Mat+ari 'its+kame
'uka wa+ritsikaya



'Ik+ mat+arike 483 wiyari 'anukayaku, 'ena Yetapa peixeiya xeime 'its+kame 'uka. 'Ik+ mat+arike meitixeik+ wa+ka p+reuhana, y+k+p+ta 'anet+ uximayatsika puyutsut+a: Hik+ kiekari yu'aurie hurawa 'its+kame putiketsa, wa+ka kiekaritari wawimat+

Kiekaritari ta hetsie mepe+ wawa+re 'ena Yetapa 'aix+ temute 'uximayakak+. 'Aimieme hik+ paye'axe ketemute'uximayata yunaime wahepa+tsita, wahetsie tekanenieret+ meta tsiere teteku'eriwat+ kename tayunait+ tey+ '+wiyani.

Yuri tem+tayeit+anik+, tep+teta 'uximayata meixeiyan+ kiekari 'its+kame wa'eniekame, wahamat+a m+yekekanik+ ya xeik+a mey+n+t+. Tetamait+ kename 'ik+ 'uximayatsika xeik+a p+katiyuyetuaya tita m+reuyewetse: tahetsietemaka w+kak+ p+'ane, tehe+wawa+ret+ 'aix+ 'iyari temu 'uwanik+.

'Ik+ 'uximayatsika temayexeiya, 'ik+ haikame tsie tekaw+t+ tepiyeweyani:

1. Kiekari '+wiyakame hurawa 'uyeikat+, metekuxatat+ kem+ane 'ena mem+te'uximaya meta kiekaritari yunait+.
2. Tita memuteyetua meta mem+tewewie 'aix+ ti'aneneme, yunait+ memi'+wiyanik+.
3. 'Uximayatsika '+wiyarika hepa+tsita tep+ t+r+kariya, wa+ka mem+teuka'eniwa wa hetsie mieme, ya xeik+a kem+ane mem+ka xeiyarie wa hetsie mieme.

Yetapa p+ ta kie. Kiekari ti '+wiyakame temayeit+ani xeik+a 'ik+ 'its+kame p+ka 'uximayatsikaya: tanait+ tepeuyewetse. Wa+ka mamate peuyewetse, niukite ya xeik+a yateta'eriwat+ kename '+wiyarika wa+ka p+reuhana.

'Ik+ yuri tem+tayeit+anik+, 'ena temute 'uximaya teputawewi '+t+arika Plan Municipal de Desarrollo y Gobernanza 2024-2027, heutinierekame 2042, 'ik+ xapa puyuta '+t+a kiekaritari tey+n+t+, ketem+te 'uximayata rayemiekame kiekari hepa+tsita tita m+tiwareuyewetse. 'Ik+ tsie tekanenieret+ teputeta 'uximayata haika wiyari Yetapa hepa+tsita.

Pam+pariyutsi ta hetsie xem+wa+rek+

Tepiyewewiximeni, tayunait+, 'ik+ kiekari m+tatsi '+wiya.

Verónica Delgadillo García

'Uka 'its+kame Yetapa mieme



2

kemayetaine 'ik+ Plan

Kiekari hepa+tsita heutiniereme 2042

'Ik+ Plan 'atewa peutiniere kiekari hepa+tsita ti 'uximayat+, 'ik+ tsie tekanenieret+ teputeuta 'uximayatawe nait+ kiekarite wa+ka m+ranukuwimak+ kiekataria wa hepa+tsita. 'Ik+ kem+reuku niere, puyuyetua 2015 wiyaritsie heuti'akame 2042 pait+, kepauka Yetapa 500 wiyari maye'at+arieni tsie. 'Ana kiekari 'ipa+ tep+tei xeiya:

"2042 tsie, Yetapa wa+ka p+wereni yunaima wahepa+tsita ti 'uximayat+; tukarik+ kiekari yumamatsie mehaw+t+ mepuyuparewieka; kiekari 'aix+ 'aneme, katiyukakwinit+at+ meta 'aix+ 'iyari mem+xeiyarieka, memukuy+at+kanik+ mekamamat+; tinakemek+ yuyetuat+, m+tikuyuit+wa, kauku kweriwa'aneme meta m+tiy+rit+aka, temu'uwanik+ tekuyuat+kait+ tinakemek+; ya xeik+a 'its+kate wa hetsie mieme mete'uximayat+."

2015 k+ pait+, 'ik+ puyuyeweiya ya timiekamek+, 'ik+ manuyemietsie (2024-2027) ya xeik+a p+tiy+ni.

Kiekari hepa+tsita heutinierekame 2027 "Yetapa metsi '+wiya"

Tamamata wiyari 'anuyemiekaku muyuyetua tsie 2042 heutinierekamek+ meta mat+ari ta 'ukiyari 'uka temexeyari, tepeixeiya ketemuteu 'uximayata Yetapa kiekari metsi '+wiyani+. 'Aimieme 2027 k+ 'ik+tsie tepeutineniere:

"2027 wiyaritsie, kiekari Yetapa puyuxeiyani 'aix+ 'iyari mem+uwanitsie meta mete'uximayatat+, tita m+tiyuyetua tsiere m+reuku'ut+ka 'aix+ p+ti'aneneni tinakemek+ kiekaritari mem+uwanik+, yunait+ mem+teparewieka yu 'uximayatsika meyetuat+, kiekari hepa+tsita, tinakemek+ temanuyukuhana teweret+ wa+kawa."

Kemayepa+me 'ik+tsie 2027 teheutinenieret+

Yam+tiy+nik+ kiekaritsie 2027 teheutinenieret+, haikame niukit+arika tep+yexata m+reuyewetse tsie:

 <p>Kiekaritsie m+katinanaimariekak+</p> <p>'Ena kiekaripa 'aix+ 'iyari memu'uwani+</p> <p>Wa+ka m+karanutatekenik+ kwinit+arika, tep+te'uximayaka tinakemek+ temu'uwani+ ya xeik+a mem+tatsi "iwiya kuyaxi ta'aurie mepu'uwani.</p>	 <p>Mem+teyetua meta mutixuwetsie mieme</p> <p>Tayunait+ parewiya temanunakenik+ m+reuku'ut+ka tetekuma+wat+</p> <p>Tete'uximayat+ tinaiame temutanunakenik+ tinakeme temu'uwani+</p>	 <p>'Uximayatsika temuyetua meta '+wiyarika hepa+tsita</p> <p>Ke'ane mem+tatsi '+wiya tem+wa '+wiyani+, tayunait+ yaxeik+a teteuhapat+ heitserie yunaime wahepa+tsita tete'uximayat+</p> <p>Tep+taye'at+wani xewit+ m+kananaimariekak+, ya xeik+a tem+teuhapakak+ meta tey+'+wiyat+.</p>
--	---	--

'Ik+ niukit+arika m+ haika, ya xeik+a peixeiya haikame '+kit+arika mem+te'uximayatsie, kiekari hepa+tsita tem+te'uximayakak+:

1. Hurawamek+ meta xeimiemek+

Ta 'uximayatsika yunaime wahepa+tsita p+mieme, yap+tiyu xeiyani naitserie, kiekaritari wahepa+tsita wa'eniekamek+. Ketem+te'erieni ya xeik+a ketem+teyurieni kiekaripa hetsiemieme teheuti'eriet+ tep+y+aka tewa '+wiyat+ tewa wimat+.

2. Teyu'eniet+ meta teyu parewiet+

X+ka Yetapa ta kie t+ni, tanait+ tepita'+wiya. Yam+tiy+nik+ 'ik+ 'uximayatsika, 'am+reuterek+, tayunait+ taparewieka peuyewetse.

3. Kiekari muyuwiyat+katsie teheutinenieret+

Yetapa kiekariyari hix+apa p+yema wa+kawa p+t+r+ka+ye, wa+kawa te+teri mepuxuawe - tsepa mana yeme mem+kakiekatari - 'ena wa+kawa mep+tayexeiya. 'Aimieme 'ena tep+te'uximaya tep+teyeweiya tita parewiya m+reuyewetse Yetapa keikaritsie meta 'atahaika kiekari manumanet+ka wahepa+tsita.

'Ik+ nait+ niukit+arika meta '+kit+arikak+, pak+ne 'ik+ 'its+kame mita'uximayata mikayunit+ani 'ena Plan tsie.


Figura 1. Elementos principales de la visión de ciudad 2027



Tetsipa muku'utuka Yetapa m+rawiyat+ka: kem+rawiyax+ani mukumanet+ka meta kem+tiyu'uximayata

'Ena tepayexeiya hurawa kiekaritari wahepa+tsita tewawimat+ tinakemek+ tem+te 'uximayaka. 'Aimieme tepeitimait+k+ kepa+ tey+at+ naime parewiya tepanutuax+ani, yat+niket+ tepeitimaix+a kename Yetapa were yuyepatar+me, kename heuyewetse hekwame teta'uximayata kepa+ tem+'aneni naime parewiya temakatet+ax+anik+. Tepekatet+a 'ik+ Comisaria de Seguridad Ciudadana meixeiya tamamata heimana xewi kem+rekuwiyat+ka, m+k+ tsie tekanenieret+ tepitaxewiriyax+ 'ik+ mukumane ya xeik+a pa+met+ pak+ne, m+pa+ tep+te'uximayata.

Mapa 1. Kierkarite tetsipa mukumane Yetapa mieme



Fuente: Elaboración propia.

Yam+reukumanet+ka tsie nait+ p+tiyu hek+a kiekari kemayepa+me, yeiari ke'aneme memexeiya. Ya'aneme tsie tepekatet+ax+ani parewiya, meta tepitat+r+kariya kememuteuyukuxeiya.

¿Kem+tiyu 'uximayatax+ 'ik+ Plan municipiotsie mieme?

Mat+ari 'uximayatsika temukats+t+a tsie, 'ik+ Plan Municipal de Desarrollo y Gobernanza tep+ts+t+a, kename naime niukite te'eniex+ame 'ena mem+tawiya teita'uximayata. 'Aimieme 'iwaureka tepuwewi wa+kawa mep+teuparewi 'enamem+te 'uximaya meta kiekaritari metemaikate, tem+tetimanik+ tita mem+teuye+wa, tita tsie metekutsetsewe, tita m+reuyewetse 'ena kiekaripa.

'Ik+ tsie tekanenieret+ tep+teuta 'uximayatax+ hayehutametsie:


1. Ketem+teyu ha'arit+a. Ketem+tek+nek+ tita teteuweiya+ 'ik+ 2024-2027 tsie. M+k+ hepa+tsita 'ipa+ tep+te+k+:

- 'Ata haika pa+mex+a tep+teuta 'uximayatax+ 144 mey+pa+memetep+warukuxe+ri 'ena memute 'uximaya.
- Ya xeik+a tewarutakwewi te'uximayatamete, kiekaritari wahepa+tsita memaniut+ka, 'ik+ xapa mem+tat+r+kariyak+.
- Tsiere kem+'ane mem+tawiya Consejo de Participacion y Planeacion para el Desarrollo Municipal de Guadalajara (COPPLADEMUN) 2025 - 2028, tep+waruta kwewi memanutin++ 'uximayatamente, kiekaritsi memuteparewie, wa+kawammet+.

2. Kem+'ane mem+teuparewi. 'Iwaureka puyuwewi kem+ane 'ena kiekaripa memutamaate tita m+reuyewetse, tem+tetimanik+ tita matsi wa+ka m+reuyewetse. Yam+tiy+nik+, 14,575 mey+pa+met+ mep+teuparewi, yati'aneneme tsie:

**¿Tita tih+k+
memanuykayaxe
niuki mets+t+at+
memite'uximaya?**

'Ena mepuyukanierit+a
naitserie mem+te
'uximaya 'ena Yetapa
mem+te'uximaya,



Fuente: Elaboración propia.

Memanukayaxi + niuki	Foros Muyutiwewitsie	'Iwaurika muyuwewi
<p>'ik+ hepa+tsita memutakumate yu niuki mepuyetuax+a kiekaripa, kiite tsie, '+wiyarika tsie, parewiya wa+ka mem+te+ye+wa tsie meta tumini</p>	<p>Tep+y+ k+xeiri kiekaritari wahamat+a 'ik+ 11 mukumanetsie. Niuki tewewiet+ ketemuyumate meta titamem+teh+k+:</p> <p>T++ri (5 - 11 meh+t+) '+imarix+ meta temari (12 - 29 meh+t+) 'Ukari (30 - 65 meh+t+) 'Ukitsi (30 - 65 meh+t+)</p>	<p>'Iwaurika puyuwewi tita wa+ka m+re+yewetse hepa+tsita, meputeuparewi 'ena yetapa kiekatari meta 'ena mem+ka kiekatari, 'ena</p>

Tita tsie tem+tekaw+ Plan Municipal de Desarrollo y Gobernanza 2024-2027 mieme, 2042 heutinieret+

Ketem+te+k+ tete'uximayat+ 'ik+ manuyemie 2024-2027 tsie, yunaime tem+wa wimawimak+. 'Ik+ nait+ p+y+t+r+kariya 'ata hutapa+memetsie, nait+y+n+t+ puyuyeweiya 'ena temute 'uximayatsie, Yetapa metsi '+wiya temayeit+anik+. 'Ik+ niukit+arika paye'axe manukatex+anik+ kiekari hepa+tsita meutin+'+: tumini meta huximayatsika hepa+tista, wimari, '+wiyarika, memuteyetua, kemem+teukuwiyani, m+tiy+rat+ka hepa+tsita, tita tsie tem+tekuyuat+ka, mem+katapikak+, kiekaritari wahetsie nuakamek+, 'ukari meta mem+tatsi '+wiya wahepa+tsita.

¿Tita tih+k+ kepemutiuyani?

'Uye p+h+k+ ketemutek+nek+ 'ik+ Plan kemayetaine temaye'at+anik+, kewa matsi wa+ka m+reuyewetse

¿Ke'aneme tepanukuweiya?

Tita tsie tetakaw+t+ teteyek+ne 'ik+

'Ena tepiyetua tita tsie tem+tekaw+re tinakemek+:



Xewi. Yetapa m+yewereni

Yetapa wa+ka pukuyuane, t+riyamama 'uximayatsika mepaye xeiya maiya mepaye xeiya, 'ik+k+ kiekari puyu hek+a. 'Aimieme '+kit+arikaya muyuyeweyanik+ meta 'ena mem+ta wiya, tep+te 'uximayaka matsi wa+kawa muyuhek+akak+. 'Aimieme tepayexeyani **uximayatsika tita 'ena mutixuawe tsie mieme**, wa+ka memutaku maikak+ kiekaritari, matsi wa+ka kem+'ane wa+ka mem+tapiniyarie tewa'iniet+ **kem+'ane wahepa+tsita memute 'uximaya, wa+kawa 'uximayatsika muxuawenik+** 'aix+ mem+te 'iwanik+.

¿Tita matsi wa+ka m+reuyewetse?

Tetetimaika parewiya kem+reuyewetse, naime niuki tehanuku wimaka, tepeiti maix+a kename 'ik+hepa+tsita reuyewetse wa+ka tem+ye 'uwenik+ meta 'uximayatsika hepa+tsita:

a. Parewiya muxuawenik+ meta muyuyeweyanik+ yak+ m+pepe 'uximayatsika memuyetua (Parewiya mem+te wewie hepa+tsita)

'Ena Yetapa, 97% p+pa+me yak+ mem+pepe 'uximayatsika memuyetua meta 'ik+ tsie 41.5% xeik+a 'ukari mepanuyetei. Secretaría de Desarrollo Económico del Gobierno de Jalisco¹, paine kename 72% pa+meme 'uximayatsika meyetua; yati'aneaku, 'akuxi meputeku'eriwa kename 'uxa'a warie 'aix+ metek+ne.

b. Tinakemek+ yunait+ meputyuwimani yaxeik+a yunait+ mem+teu hapakak+ meta 'uximayatsika muxuawenik+

"P+ hiweriy+k+re x+ka
'uximayatsika
pekakaxeyaweni..."

- Uriel, mesa de juventudes,
Comunidad Centro Histórico.

Yetapa kiekaritsie matsi wa+kawa 'uximayatsika puxuawe tinakeme metepit+ariet+, yati'aneaku, akuxi wa+kawa 'iwaurika puxuawe kename 'akuxi 'aix+ mekatexeyarie. Encuesta Nacional de Ocupación y Empleo (ENOE) del INEGI putay+ kename 2024 k+ 464,032 mey+pa+met+ 'aix+ 'ane+a mekwate'uximayakai. Ya xeik+a 2024 tsie kename 'ukitsi me+tekupit+ariwa wa+akawa matsi, 15.9% pa+met+ 'ukari reuheima 'ik+ p+hek+a IIEG tsie mayemie IMSS.

"Nait+ 'uximayatsika 'a
hetsie nuakamek+ p+ka
hetin+'+..."

- Galia, mesa de juventudes,
Comunidad Fray Antonio Alcalde.

c. **Kepa+ tey+aka tem+'iwatsieka tsie**

Yetapa wa+kawa pa 'iwatsiewe. Ya ti'ane kaku wa+ka m+tiu'ix+aratsie p+ h+k+ yeme hix+apa wa+ka m+tituiya tsie, 'aimieme heiwak+a mekutetewa tsie wa+ka m+tiutuani p+kay+we, panukaparike 'uximayatsika mem+yetuaka.

¿**Ketey+at+ 'ik+ tepanukuhana?**

M+pa+ m+kati'anic+ **ya xeik+a heitserie 'uximayatsika temayexeyani 'aix+ mem+tepit+arietak+**, tamamatsie tepaw+re tey+n+t+ 'ik+ parewiya tepanukuhana memeixeyia 'uximayatsika tewa'iniet+, mem+teparewie tanait+ wa+ka matsi kiekari hetsie teuka nenieret+ **tep+teyexatani 'aix+ memuyukuyuruwanik+ memutetua 'aix+ meuti'anic+ yu xapatek+**, mem+taye'at+aka tita m+tiku'iwauriwa.

Temita xewiriyak+ 'uximayatsika tanait+, 'ik+ teputiwewi m+k+ teuweiyat+ tem+teta'uximayatak+:

Estrategias	Líneas de acción
<p>1.1. Parewiya tep+t+r+kariya, tepiyexaatani kepa+ tey+at+ 'uximayatsika mepuyexatani kem+'ane tixa+t+ mem+teutuari.</p>	<p>1.1.1. Parewiya tepanayetuani teiwewiet+ tita m+reuyewetse wa+ka pem+tituakak+ ya xeik+a 'uximayatsika 'aix+ 'aneme memuyetuakak+.</p> <p>1.1.2. Yetapa tepayeit+ani mutiyu'uximayak+ tecnologia tsie mieme meta metewewieka 'ik+ hepa+tsita.</p> <p>1.1.3 Yukie timieme mem+tetuakak+ parewiya tepanayenet+ax+ani.</p>
<p>1.2. Tep+waparewieni kem+'ane wa+ka mem+taye 'uximayatawawe 'akuxi, 'ik+ mem+y+akak+ memanutahakeni 'aix+ mete'iwat+, mekananaimariet+</p>	<p>1.2.1. Kem+'ane memuyupit+a 'uximayatsika tsie wa+ka tep+waparewieni, matsi wa+ka mem+tamaikak+.</p> <p>1.2.2. Tepiyewewieximeni tenan+t+ 'uximayatsika 'ena m+rawiyat+ka kiekari tsie, temiyexatanik+.</p>
<p>1.3. Yetapa kiekaripa tepeyeit+ani hakewa memayeneikani 'iwatamete, wa+ka m+tiyuyexatanik+ tita 'ena mutixuawe mem+tetuakak+.</p>	<p>1.3.1. Tepitaxewiriya meta wa+kawame tep+teyexatani tita m+reuhapana 'ena m+tixuawe.</p> <p>1.3.2. Tepikuxatani meta tepenukuhana Yetapa wa+ka memuiwatanik+.</p>



Hutarieka. Yetapa kiekari hepa+tsita ti'uximayat+

'Enapait+ temute'uximayatsie, **tep+te kuxatani keikaritari wahamat+a hurawa yatem+teti'uwenik+ tita m+reuyewetse tsie**, tetakumait+ kename **yuxexuit+ yu yeiyari meyeweiya**, ya xeik+a tita **temuteyetua mem+teku 'iwawatsie maiya, yeiyari, waikari, kiite maye'axenik+**.

¿Tita wa+ka m+reuyewetse?

Tinakemek+ teteuti xei yax+aka kiekaritari wahepa+tsita, ya xeik+a niuki memuyetuax+a kememait+kak+, tepenuyehapax+a mat+ari tita tsie tetekanenieret+ teteta'uximayata, 'ena paka'ure:

a. Kii memexeiyanik+ meta kem+tiy+we mey+n+t+ mem+te'uximayakak+ kiekaritari wahepa+tsita

"Kiite muyetuiwa 'etewa xeik+a p+ tiu, kewa tem+tayexeiya tsie tep+kaheixeyat+ka"

- Rubén, mesa de juventudes, Comunidad Centro Histórico

'Imat+rieka wiyaritsie, 'ena Yetapa p+kayutiwewiwa kiite yak+raye'at+kaime meta 'aix+ 'aneneme. Mutay+ hepa+ kiite hepa+tsita mutikuxata (IIEG, 2024), kename 0.61% kiite mutuiyat+ka xeik+a 500 mil het+a p+raye'at+katei, ya xeik+a 85% '+k+ kiite xei millon heima m+raye'at+ka. Yati'ane kaku wa+ka niukit+arika p+ranuk+t+k+ kiekari putikuye, wa+kawa mep+katekuxatari, 'au'eriet+ mepukutet+ka meta mep+kaix+amayata tita m+tiyetuiwa, 'aimieme putiukukweriwa' anet+ka.

b. P+katiyetuiwa tita tsie tem+teuti'erie meta ta yeiyari hepa+tsita

Wa+kaxeniu mutiyukuhek+k+areri, ya xeik+a 'akuxip+kahaye'axe heitserie manukatekenik+ te+teri mem+teuye+wa wahepa+tsita meta yeiyari hepa+tsita, maiya, ti'uyetametsie, ya ti'ane kaku akuxi:

- 1) Mem+kai'+wiyak+ meta mem+kaita x+amayatak+ mutiuku'ut+ka mana memuyukanierit+akatsie, yat+ni waikaritsie, uxiamyatsikatsie, maiyatsie, ti'uyematame tsie 'ena m+rawiyat+ka.
- 2) M+reuyewetse kem+'ane mem+te'uximayaka ya xeik+a pinite mem+teyetua yunaime tiwaranunakenik+.
- 3) Tsiere meuyewetse memiyexatani parewiya yunait+ mem+ta maikak+.

c. Tita m+reuyewetse tanait+ temuy+n+kak+ meta ketey+at+ tepenukuhana

Tsepa xeniu 'its+kate mem+te 'uximaya kiekaritari wahepa+tsita, wa+ka 'akuxip+reuyewetse, 'aix+ 'iyari temuyu xeiyani+: m+reuyewexime hakewa tem+y+k+xexe+riwa, ya xeik+a tep+kateyu xeiya te+teri, tep+kayuparewie, 'aimieme panukawautse parewiya ta kiekari hepa+tsita.



¿Ketey+at+ 'ik+ tepenukuhana?

'Ik+ temaye'at+anik+, 'ena tem+te 'uximayatsie Yetapa tepinet+a **ketem+tek+ne: tepit+r+kariya parewiya kiekaritari tetan+t+ tamamatsie tekaw+t+**, nait+ **parewiya maye'axenik+ ta ts+ari '+kit+arika, ti'uayemarietsie, yeiyaritsie meta kiite hepa+tsita.**

'Aimieme, tepikuxata yapa+meme **niukit+ari meta '+kit+arika:**

Estrategias	Líneas de acción
<p>2.1. Parewiya kiite muyuwewieka meta muyuyetuakak+</p>	<p>2.1.1. Muyutat+r+kariya parewiya kiite hepa+tsita muyuyetuaka yak+ raye'at+kait+ 'ena Yetapa.</p>
	<p>2.1.2. Tsire meuyutahat+ani parewiya 'amayet+rek+ kiite x+ka kwie anuyuhayewani, meta ktsiyarimama kemem+ta'eriwani</p>
	<p>2.1.3 Tepikuxatani kepa+ temuteuyuriewawe kiite kwini m+karaye'at+kanik+.</p>
	<p>2.1.4 Tepikuxatani kename kiekari were 'ateyutipa+merir+me 'ena kiekaripa</p>

Estrategias	Líneas de acción
<p>2.2. Tepikuxatani ketem+teyurieka mem+te'uximayatsie meta ta kiekari 'aurie m+reuyewetse tsie '+kit+arika tsie, 'uayemarika tsie, yeiyari, waikari meta temaye'uxipiweni tsie hepa+tsita.</p>	<p>2.2.1. 'Aix+ ti'aneneme mutiyuyetuayanik+ hakewa m+retiwewiya, nait+ reutin+t+ naitserie parewiya hepa+tsita. Temuyuku xexe+riwatsie, temutiwaika tsie, tem+tey+'+kit+a tsie, meta temu'uayemarie tsie.</p> <p>2.2.2. Temitat+r+kariya 'uximayatsika heitserie ta yeiyari temayexeianik+ 'ena Yetapa.</p> <p>2.2.3. Temitat+r+kariya '+kit+arika hepa+tsita 'ena Yetapa.</p> <p>2.2.4. Temitat+r+kariya parewiya m+ti'uayemarie hepa+tsita.</p> <p>2.2.5. Temitat+r+kariya '+wiyarika tewaxi wahepa+tsita.</p> <p>2.2.6. Temikuxatani 'uximayatsika temukuyuat+kanik+ meta waikari hepa+tista 'ena Yetapa mieme.</p>
<p>2.3. Impulsar la corresponsabilidad y participación ciudadana para fortalecer los vínculos sociales dentro de las comunidades</p>	<p>2.3.1. Temitat+r+kariya 'uximayatsika yunaime wahetsiemieme, wahetsie maye'axenik+ meta waheima nuakamek+.</p> <p>2.3.2. Xatsika tep+tat+r+kariya mem+te'uximaya memeiti'eniet+k+kanik+ mem+te'uximaya 'aix+ 'iyari keikaritari mem+waparewiekak+.</p> <p>2.3.3. Impulsar esquemas de fortalecimiento comunitario 'Uximayatsika tepayexeiyani tayunait+ temuyu parewiekak+</p>



Hairieka. Yetapa 'aix+ 'iyari muyuxeiyani, parewiya meta kananaimariet+ hepa+tsita

'Ik+ 'uximayatsika manukayanitsie, tepeixeyani **kepa+ tem+'aneni kiekaritari tem+wa'+wiyani+ meta tita m+tiwapinite m+tiwahetsie mieme.** Ya xeik+a kete'anet+ 'aix+ 'iyari muyuxeiyani+, tetanutateket+, m+katinanaimarietak+, yunaime wa niuki te'eniet+, wa heima tenuat+, 'aix+ 'iyari muyuxeikanik+ 'ukari meta 'ukitsi.

¿Tita wa+ka m+reuyewetse?

Tinakemek+ teteuti xeyax+aka kem+raku'ane '+wiyarika hepa+tsita, meta niuki memuyetuax+a tewaru'enieka, tepeitimaix+a kename 'ik+ reuyewetse:

a. Kuyaxi wahetsie mep+kahe+wawaure meta 'urawa mep+kateparewie

Niuki metinex+atsie Foros muyutiwewitsie, kiekatari mepait+ka kename kuyaxi 'urawa mep+katatsi '+wiya, ya xeik+a 'iwaureka muyuwewi Consulta Digital mutiyuter+wa tsie, meputekuxata kename kiekatari kuyaxi wahetsie mekaheuwawa+re meta mep+kawamate kem+'ane mem+y+a wa kie hurawa mem+te '+wiya. Yati'ankaku tepitiwax+a keti'ankaku yameputekuxata: mepait+ka t++ri wa hepa+tsita hurawa mep+kate 'uximaya 'etsikwera muku 'utukatsie mewa '+wiyakame, teemari wa hepa+tsita mepait+ka, kename mewananaima metewawawiriet+ wa+kawa, meta 'amemuyumate wa hepa+tsita, mepait+ka kename wa+ka mep+ka'uta'axe wa kie 'aurie.

b. Kwinit+arika m+ranukateke meta xanetsikate 'ena kiekaritsie

Kem+ tiy+ane kwinit+arika hepa+tsita haika wiyari 'ena matiyune 'ik+ p+kamie, meta memuyuniukit+a kiekatari ya xeik+a pa+met+ p+h+k+ 2022 wiyaritsie pait+, xei wiyari tsie 140 xanetsika 'ik+ hepa+tsita p+ka'ure. Wa+ka peuyewetse 'ik+ xanetsikate meta m+tikwiniyat+ka mukamieni, 'aix+ 'iyari temukutet+kanik+ meta kem+'ane mem+tatsi'iwata wa hepa+tsita.

c. Wa+ka 'aix+ m+kati y+ane

Tsepa xeniu kwinit+arika m+kamie, kiekaritari akuxi mepuemama. 'Ik+ hepa+tsita wa+ka p+tiyukuxata matsi 'its+katewa 'uximayatsika hepa+tsita, ya xeik+a kepa+mex+a memunenierix+ kiekatari mem+teukwinit+ariek+, meta tierika yu 'aurie memukutet+ka hepa+tsita meta kiekaripa nait+. 'Aimieme kiekatari mem+kaheumamakak+, puyuyeweyani 'uximayatsika 'ik+ hepa+tsita meteye maiximet+ meku'iwawat+ kemutiuy+, ya xeik+a tinakemek+ 'aix+ metekuyuruwat+ kewa temukutet+ka tsie.

**“Axam+katiy+aneni+
ta kiekari tep+y+wawe
temanutatekenik+”**

*Ade, mesa de mujeres,
Comunidad Colomos-Minerva*

d. M+kat+r+ka+ye hakewa xanetsika muyuyeweyatsie meta kuyaxi wahepa+tsita

'Ik+ kwiniya manukaparek+, peuyewetse 'aix+ mem+tepit+arieka meta tinakemek+ mem+xeiyarieka mem+tatsi '+wiya, ya xeik+a hurawa x+ka xeit+ 'axatikayani yukiekari hepa+tsita p+tiparewieka m+k+k+ 'aix+ m+rakayurienik+. 'Aimieme 'uximayatsi puyuyeweyani '+t+arika mewewiet+ m+raka'ukak+ nait+ meta tumini hepa+tsitana mieme meyetuat+, mana m+katiyuku hayeikawanik+ xeik+a.

¿Ketey+at+ 'k+ tepanukuhana?

'Ik+ temakatet+anik+, tepeitimaix+a kename heuyewetse 'uximayatsika 'aix+ mem+teukutenik+ kiekatari 'ena mem+tawiya meta kem+'ane 'ena memayeneika, temanutatekenik+ 'axam+kati y+aneni+, meta mem+taye'at+wanik+ x+ka y+k+ metekak+ne wa+kawa m+katiukweriwa'aneni+.

Tem+taye'at+anik+ 'ik+ hepa+tsita tepiyetua **'ik+ niukit+arika meta '+kit+arika:**

Estrategia	Líneas de acción
<p>3.1. Tepitat+r+kariya kiekari mem+'wiya hepa+tsita, 'aix+ 'iyari memukutenik+ mekateuka'eniwanik+ kiekatari</p>	<p>3.1.1. 'Its+kate mep+y+aka kem+ane kiekari mem+'wiya mep+t+r+kax+ani</p>
	<p>3.1.2. Xanetsika xeimieme muyutin+tsanik+ tepekatet+ax+ani kiekaripa hepa+tsita</p>
	<p>3.1.3 Tepit+r+kariya wa+ka m+katinanaimariekak+, 'ena kiekaripa</p>
	<p>3.1.4 Tepuwataparewieni kem+'ane memuteuka'eniwa wa 'iwama x+ka y+k+ metanuyek+ne heitserieme tewaparewiet+.</p>
	<p>3.1.5 'Aix+ teputekuyurieni kiekaritsie xeimieme temutaye'at+wanik+ x+ka y+k+ti+y+ni 'ikemakamek+</p>



Naurieka. Yetapa puyuyetuaka meta tiyetuat+ tita m+reuyewet+ka

'Ena Yetapa tem+te'uximaya tep+teparewie **'aix+ ti'aneneme temuteyetyuanik+** - xatsite, muti'ek+akak+, 'uyeta, mutiutsi+ra+yet+ka tsie, m+tawatuiya tsie, mem+teukie tsie, meta tewaxi mematikuiwatsie - 'ax+ m+'anenenik+, **naitsarie meta 'aix+anenet+ muye'axenik+**. Ya xeik+a h+ritsie mete'+wiyakame meta kiekarititari wahetsie tenuat+. Meta tsiere yunait+ metepariewiekamek+.

¿Tita wa+ka m+reuyewetse?

Tinakemek+ teteuti xeiya+aka kem+raku'aneikai temuteyetyuaya hepa+tsita meta m+reuti 'utuka 'ena timieme ya xeik+a 'iwaurika muyuwewi hetsie tekanenieret+, tep+tetima kename 'ik+ p+reuyewetse:

a. Parewiya mutiyetuiwa 'aix+ p+ti'aneneni

Kiekaripa tetsipa muku'utuka Yetapa mieme peixeiya tita wa+ka m+reuyewetse, 'ik+ naitsarie p+kauye'axe. 'Aimieme tepit+r+kariya 'uximayatsika 'ik+ parewiya naitsarie muye'axenik+.

"Yetapa x+ka tita m+tiyetuaya 'aix+ ti'aneneni wa+ka matsi p+reuhanani"

b. Parewiya m+tim+iyat+ka hetsie mieme meta mem+teparewiekak+ kiekatari hepa+tsita

"Puti xeik+a tep+kati'uit+wani, ya xeik+a niuki"

'Imat+rieka wiyaritsie, xatsi t+k+me 'ena Yetapa mieme wa+ka panukawierix+ 'aix+ 'iyari mep+kataye 'at+wakai (1994-2024) pa+mex+a wiyari kem+'ane 'ik+ 'uximayatsika memayexeyakai. 'Aimieme kiekatari m+k+ tsie mep+kahe+ wawa+rekairi, ya xeik+ wa+ka te+teri mep+kateparewiekai 'au'eriet+ xatsi mep+tetawiwiwakai: yati'aneaku memutiwaikatsie meta memuti'uxipiwetsie 'aix+ 'anek+a tep+kaheuye nenierekai 'aix+ p+katiy+ane meta tep+kayuparewie.

¿Ketey+at+ 'k+ tepanukuhana?

'Ena Yetapa tem+te 'uximaya **wa+ka tepitim+'iriya parewiya meta tem+teyetuani tita m+reuyewetse** meta **temutekuma+wa**, tayunait+ teyuparewiet+ tei'+wiyat+.

Yam+tiy+nik+ 'ik+ niukit+arika meta '+kit+arika tepuyetua:

Estrategias	Líneas de acción
<p>4.1. 'Aix+ ti'aneneme tem+texeianik+ tepuyuparewieka kiekatari tey+n+t+ temi'+wiyani+</p>	<p>4.1.1. Tita M+tiyetuiwa kiekaritari wahepa+tsita 'ax+ p+ti'aneneni</p>
	<p>4.1.2. Parewiya naitserie puye'axeini</p>
	<p>4.1.3 Kewa temuta'axe p+y'+wiyani t+karik+.</p>
<p>4.2. Yetapa te'+wiyat+: Tanait+ tepi'iwiyani ta kiekari, 'axam+katiy+aneni+, m+katiuku kweriwa'aneni+, 'uximayatsika manierenik+, temuyuwimanik+ meta 'aix+ 'iyari temu'uwanik+.</p>	<p>4.2.1. Tinakemek+ tita'axam+ti'aneneri tetekuxexe+riwat+ 'axa m+katimat+akak+</p>
	<p>4.2.2. Tita'axam+ti'aneneri tetekuxexe+riwat+ kiekatari tenan+t+.</p>



Ha+x>wirieká. Yetapa 'aix+ anemetsie meta muyukemakak+

'Ik+ 'uximayatsika tsie, tepiwaut+we wa+ka t+r+kariya, wa+kawame rawiyakame, kem+ti'ane 'ik+ muyuyepatar+me y+rariya hepa+tsita, meta kaxuri memu xuawe 'axati'aneneme mete wiwie. 'Aimieme tey+n+t+ tepiyewewixime kem+tianenik+, tetamait+ kename yetapa hix+apa kaniere 'ena Área Metropolitana de Guadalajara m+tiyu ter+wa tsie.

¿Tita wa+ka m+reuyewetse?

Teteuta 'uximayataka 'ena kiekaripa, tita tsie temutekuyuat+ka, m+ti tsitsi+raw+ hepa+tsita, kememute'uxatat+k+ kiekaritari, tep+tetima kename '+k+ reuyewet+ka:

a. 'Aix+ tepikuyurieni maka'urek+ ke'anek+a temeuyaxiku keikaritsie

Tepi t+r+kariya tem+teyeyet+ka kepa+ tem+'anenik+ 'ena kiekaripa, xapate tiname tsie m+raka'urek+, 'aix+ temuteukutenik+ mem+tayeneniere te'+wiyat+, ta kiekari muwrenik+ ti'+wiyat+ temutewakupiniriwa kiekaritari.

"Yetapa p+ wreni, kiite muyuyewewixime mepupit+a, yat+niket+ mekwatanunake yunait+ haak+ meta wa+ka m+reuyewetse"

b. Tem+teparewiekak+ mem+tekuy+at+ka hepa+tsita meta mem+taye neniere tete'+wiyat+

"Yetapa chim+'anenik+, m+ tiu tsi+ra+yeni p+y+we..."

Peuyewetse temikuxatani titatsie temutekuyuat+kani wa+ka k+tsi m+kawiwiekak+, ya xeik+a 'ik+ hepa+tsita temuteyetuaka parewiya, tei'+wiyakame memutexuawe mem+tayeneniere wa hepa+tsita.

c. Parewiya x+ka hawerika'anekaku teye'uka mex+ka y+k+ tatiuyurieni

Wa+ka 'uximayatsika tepakatet+ani m+katiyukemarin+a hepa+tsita, tats+ari 'ukwari, mem+ti hauwetsie 'ik+ wa+kawame hepa+tsita.

¿Ketey+at+ 'ik+ tepanukuhana?

Tepeiti mait+k+ kename 'aix+ 'anek+a temukutet+kanik+ peuyewetse parewiya heitseriekamek+ kiekari m+werenik+, temukuyuat+ka tsie 'aix+ p+ti'aneneni, m+rayenieret+ka tete 'iwiyat+ meta x+ka raniereni t+r+ka+yet+ mutiukuyuit+awe.

'Aimieme, 'ik+ niukit+arika, meta '+kit+arika tepuyetua:

Estrategias	Líneas de acción
<p>5.1. 'Uximayatsika tep+t+r+kariya 'aix+ tetekuyuruwat+ xapatetsie m+raka'urek+ kepa+ m+tiwereni keikaripa, yukemarin+akame meta yunaime wahepa+tsita</p>	<p>5.1.1. Tepeka '+t+ax+ani kepa+ m+'aneni meta m+rewa'uximayatsie tsie 'aix+ m+reuku nuiwit+akak+ meta kem+reukumamet+kani kiekari mahek+akak+.</p>
	<p>5.1.2. 'Aix+ tep+tekuyuruwani ketem+teiku ma+wani, temeyexeyani+ kwiepa meta tete'+wiyat+ meripait+ m+tiuku'utuka timieme.</p>
	<p>5.1.3. Tepiyetuayani xeimieme meta 'aix+ ti'aneneme tinaime xapate 'ik+ tem+teyetuaya meripaitimieme m+matsiuk+nik+, xeimieme m+rayeikanik+ meta pem+yutakit+anik+</p>
	<p>5.1.4. Tepeka '+t+ax+ani kepa+ tem+tei '+wiyani meta herie temenenet+wanik+ 'uximayatsika keikaripa mukumane hepa+tsita.</p>
	<p>5.1.5. Yunaime wahamat+a tep+te 'uximayaka 'ena keikatari meta 'anuta+ye tsie 'ik+ 'aix+ temutayurienik+ kiekari hepa+tsita.</p>
	<p>5.1.6. Tsiere niuki temuyetuakak+ kepa+ tey+at+ 'ik+ xatsite 'axam+ti'anene kwiepa m+ti kwinit+a temanukayunitsit+anik+</p>
<p>5.2. 'Uximayatsika tepuyetuani tayunait+ teyu wimat+ kiekari muyukemakak+ hepa+tsita</p>	<p>5.2.1. Tepit+r+kariya 'uximayatsika 'aix+ m+ti'anenik+ meta 'aix+ m+raku'anenik+ tita tsie temutekuyuat+ka hepa+tsita.</p>
	<p>5.2.2. Tepitiwewieni kepa+ temutei'uximayata parewiya kaxuri wahepa+tsita, 'aix+ 'anek+a memuyehunik+, tinaime tinakeme mete 'uweiyat+ mei'+wiyat+ ta kiekari.</p>
	<p>5.2.3. '+kit+arika, yeiyari meta '+wiyarika tep+tat+r+kariya yunaime wahepa+tsita m+rayanik+</p>

Estrategias	Líneas de acción
<p>5.3. M+tiyuyepatar+me hetsie tepunuaka, tete '+wiyat+ m+tiy+ra m+tatimikwa hepa+tsita 'ena kiekaripa tekanenieret+</p>	<p>5.3.1. Ketey+at+ tepinet+ani kewa tem+teweriyani+ mutiu tsi+ra+yenik+, kwie 'aix+ 'aneme temexeiyani+, tanait+ teyuparewiet+</p>
	<p>5.3.2. Wa+ka tepekatet+ani parewiya xatsite mutim+iyat+ka hepa+tsita ya xeik+a teit+r+kariyat+ kem+ane 'ena m+kaneniereri</p>
	<p>5.3.3. Tepiyeweyani, tei'+wiyat+ meta tem+taye'at+akak+ kem+tiyey+ximeni m+rayenierit+aka hepa+tsita.</p>
	<p>5.3.4. Niuki tepuyetuaka m+rayeneniere hepa+tsita meta 'ik+ '+kit+arika mieme 'ena Yetapa kwieyaritsie.</p>



'Ataxewime. Yetapa heitserie mayuhek+ata meta 'aix+ m+tiyukuma+wanik+

Peuyewetse temiyeweyani 'uximayatsika hekwame, rahek+atat+, katinanaimat+ meta hurawati'uximayat+. 'Aimieme 'ik+ haikawiyaritsietey+n+t+ kiekaritari tep+ wataparewieni, tinakemek+ teta hek+atat+ ketem+teyurie, tinakemek+ teteyetuayat+ meta tekatepit+at+ 'au'eriet+ mem+tenawat+wenik+.

¿Tita matsi wa+ka m+reuyewetse?

Tinakeme teteutixeyax+aka meta ke'ane niuki memuyetuax+a 'ik+ hepa+tsita, tepeitimaix+a kename 'ik+ xeuyewet+ka:

a. Tita m+reuyewetse tecnologia tsie timieme 'ena temute'uximayatsie

Banco Mundial putay+ kename x+ka petiyetuaka parewiya 'ik+ pinite tsie, xeimieme 75% p+rayeika pemuta'eiyarienik+ meta panukateke 'inawarika 50% pa+met+.

X+ka xeniu 'ik+ 'its+kate meheixeyani hipame '+t+arika meta parewiya 300 pa+met+ memanutituayatsie, nait+ p+kay+wawe. Wa+ka 'akuxi peuyewetse meme hek+atanik+, ya xeik+a wa+ka kahayet+r+kawime, meta kem+'ane wa+ke mem+teuye+wa wa hepa+tsita tsie meuti'eriet+.

b. Puyutat+r+kariya kepa+ tinakemek+ tem+ta hek+atani ketemuteyurie meta tinakemek+ teteyetuat+

Miyetua xatsika Jalisco Cómo Vamos m+titewa, kiekaritari kememuteikumamate tsie, mepait+ka kename 55.8% meyu pa+met+ mep+tiyua kename 'its+kate wahetsie mep+kaheuwa+re, meta 8.8% mepait+ka kename hu wa hetsie meuwa+re. 'lk+k+ p+ hek+a kename kiekatari wa+ka 'its+kate wahetsie mekauwawa+re, m+rakuwiet+ka 'aix+ 'iyari mem+kawawimak+, yat+ni wa hetsie hepa+tsita memukakuyuat+kak+.

¿Ketey+at+ 'ik+ tepanukuhana?

Yetapa tem+te'uximaya, tepiyeweyani teihkwatat+ **kepa+ tem+teparewieka, ya xeik+a tamamatsie tehakaw+t+, tinakemek+ parewiya meta temuteyetyaya m+raye 'axenik+, tinakeme kiekaritari meta 'its+kate temuyehuni.**

Yam+tiy+nik+, 'ik+ niukit+arika meta '+kit+arika tepuyetua:

Estrategia	Líneas de acción
<p>6.1. 'Its+kate wa 'uximayatsika 'aix+ 'aneme tepuyeweyani, tecnologia tsie tekaw+t+, yunaime kiekatari tewa wimat+ meta xeimieme parewiya tetanayetuayat+</p>	<p>6.1.1. Tita memuteku'iwawa meta tita temuteyetua tepit+r+kariya 'ena kiekaripa</p>
	<p>6.1.2. Tepit+r+kariya 'iwaurika muyuyetuaya tsie parewiya 'am+kareuteterenik+ kiekaritari wa hepa+tsita</p>
	<p>6.1.3. Tepit+r+kariya kepauka mem+tenawat+weni, tetahek+atat+ ketemuteyurie meta tinakeme teteyetuayat+.</p>
	<p>6.1.4. Tepit+r+kariya 'uximayatsika TIC hepa+tsita 'ena 'aix+ temute 'uximayatak+</p>



'Ataxewirieká. Yetapa metsi '+wiya

Yetapa temayeit+anik+, kiekari metsi 'iwiyakame pan+y+ne kename hix+apa te+teri tewawima tewa'+wiya, tsepa kepauka teiyeh+at+ temak+ka xewit+ m+tatsi h+kak+ ya t+ni tem+te'+wiyanik+.

'Aimieme tepiwaut+we ketey+at+ te+teri wahepa+tsita tep+kaneniereni, ketem+tewa '+wiya wahepa+tsita tete 'uximayat+, tetewayetuiriet+ meta yunaime tewawimat+, ya xeik+a 'ukari mem+mieriet+we tewawimat+.

¿Tita wa+ka m+reuyewetse?

Tinakemek+ teteuti xeiya+aka wa+ka parewiya memeuye+wa meta mem+'+wiyariekak+, yaxeik+a niuki memuyetuaxa wa hepa+tsita, tepeitimaix+a kename 'ik+ 'uximayatsika heuyewetse:

a. Tepehek+atani meta tepekumaika 'uximayatsika '+wiyarika hepa+tsita

M+reuyewetse parewiya meta '+wiyarika kiekari tetsipa manumane hepa+tsita, panutateke heitserie memuyehunik+ meta yuxa+ta memuyukemakak+ (tats+ari t++ri, temari, meutekukuye yat+ni memukayuawawe, amemuyumate 65 heimana mem+ h+), 'aimieme parewiya mep+kanunake wa+kawa. M+pa+ meputiyua niuki memuyetuax+a.

"Niuki 'ukari meta wamamama wa hepa+tsita wa+ka paniere x+ka mete kuxatani 'uxiya hepa+tsita"

Lesly, mesa de juventudes,
Comunidad Colomos-Minerva

b. 'Uximayatsika kem+,ane wa+ka parewiya memeuye+wa yunaime tewawimat+

Tem+kata maatetsie m+tik+y+ne kepa+ 'ik+ tete+teri tem+tewaru parewiwe tats+ari memutekukuye, memanu'uwa, mem+tawiya LGBTIQ+ meta meripait+ kiekatari memu'uwa, wahepa+tsita wa+ka p+ranenieme, 'aimieme peuyewetse xapatate '+t+arikate temanayetuayani 'ik+ wa hetsiemieme, xaka'ukame tita wahepa+tsita m+reuyewetse.

Wa+ka m+karanuyetuiwak+ 'ik+ matsi wa+kawa mep+teuka 'eniwa temari '+imarixi, kiekatari meri pait+ memu'uwa, memanu'uwa meta mem+tawiya LGBTIQ+.

'Imat+rieka, parewiya manayetuiwa tinakemek+ mem+kayek+kanik+, panutateke 'ik+ 'aix+ 'iyari memuye'uwenik+ meyuwimakamek+ meta xaxeik+a mem+teuhananik+.

c. Temit+r+kariya 'uximayatsika yaxeik+a mem+teUhananik+ 'ukari meta 'ukitsi

Wa+ka 'uximayatsika paniere ya xeik+a memuteuhananik+ tsepa hakewa memuyukanierit+aka, niuki memuyetuaya tsie meta 'its+kate wahepa+tsita, 'aix+ 'iyari memuyuxeianik+ heitseriemek+ metekuxatat+ 'ukari meta 'ukari t++ri 'ena mem+tawiya. Ya xeik+a parewiya manayetuiwanitsie meteparewieka yaxeik+a temuteyu xeianik+ 'ukari meta 'ukitsi, tekayu yuriyat+, 'ukari meka nanaimariet+, tinakemek+ teyuxeiyat+.

¿Ketey+at+ 'ik+ tepanukuhana?

Yuri tem+ta yeit+anik+ meta temiyen+ximenik+ niuki memuyetuax+a wahepa+tsita, tepitiwewi hipame niukit+arika meta '+kit+arika, 'ik+ manutatekenik+ keikaritari wahepa+tsita, yunaime tewawimat+ ya xeik+a tinakemek+ teteyetuat+ 'aix+ 'iyari memuyehunik+.

Estrategias	Líneas de acción
<p>7.1. Parewiya tepuyetuaka kem+'ane mem+te '+wiya wa hepa+tsita, tinakeme teteyetuat+ meuyewetse tsie, ya xeik+a yunait+ memanunakenik+ mem+te '+wiyani+</p>	<p>7.1.1. Tepiyetuani meta temita'ix+arieni kepa+ teteparewieni mem+te'+wiya wa hepa+tsita.</p>
<p>7.2. Tinakemek+ tep+wa parewieka kem+'ane wa+ka memute+ye+wa, yunaime tewawimat+</p>	<p>7.2.1. Tepit+r+kariya parewiya temanayetuaya 'ik+ kiekaritari wa hepa+tsita</p> <p>7.2.2. Tepiye weiyani 'uximayatsika 'aix+ 'iyari tewa xeyakame meta mem+kayuriyarietak+ 'ena kiekari tsie</p> <p>7.2.3. 'Uximayatsika tem+wawinik+ te+teri memanu'uwa wa hetsie mieme</p> <p>7.2.4. 'Uximayatsika temuwawimanik+ te+teri mem+ku'uwa 'au'eriet+</p>
<p>7.3. Tep+tetaperewieni 'ukari meta 'ukitsi ya xeik+a memute'uximayakak+ ya xeik+a memutenet+akak+ t++ri wa hepa+tsita, temari meta 'ukari mem+ka nanaimarietak+ 'aix+ 'iyari mem+uwanik+.</p>	<p>7.3.1. Temita t+r+kariya parewiya 'ukari mem+nanaimarie wa hepa+tsita</p> <p>7.3.2. Tepit+r+kariya kepa+ temutei'uximayata ya xeik+a 'ukari meta 'ukitsi memuteuhananik+</p> <p>7.3.3. 'Ena tep+kayunit+ani mutiyuter+wa Derechos Humanos 'ukari wa hetsie nuakamek+, parewiya 'ik+ hepa+tsita manayeneikanik+.</p>

Tayunait+ tepinuiwit+aka kiekari metsi '+wiya

'Ik+ Plan de Desarrollo y Gobernanza 2024-2027, heutinierkame 2042, p+ta 'uye temanukuweiyak+ Yetapa 'aix+ m+'anetik+, 'aix+ 'anek+a teu'uwat+, hurawa meta yukemarin+akame. Tetamait+ kename yuxewit+ m+yeyani kay+we: peuyewetse teyunait+ temuyuparewieka, temuyutupiniriwa meta tayunait+ teyuwimat+.

Tayuxexuit+, tsepa kewapait+ temu'uwa, tep+teparewieka ta kiekari teh+t+. X+ka tayunait+ tete'uximayaka -'Its+kate meta kiekatari - tep+y+wawe Yetapa ke'aneme temeuxeiyaku temayeh+ani: Kiekari metsi '+wiyakame hik+ meta muyuyeweyani 'uxaa warie.



Gobierno de
Guadalajara

La Ciudad que 
te cuida